
ХИТОЙ КОМПАНИЯСИ ТОМОНИДАН ВИЛОЯТИМИЗДА АМАЛГА ОШИРИШ РЕЖАЛАШТИРИЛАЁТГАН ҚУЁШ ПАНЕЛЛАРИ ИШЛАБ ЧИҚАРИШ ЛОЙИХАСИ МУҲОКАМА ҚИЛИНДИ

Вилоят ҳокими Хайрулло Бозоров Хитойнинг “Jiangsu Jingdao New Energy Technology Co.,Ltd” компанияси вакили Зхао Жиан Жиа ҳамда уларнинг Фарғона вилоятидаги маҳаллий ҳамкорларини қабул қилди.

Учрашувда “Jiangsu Jingdao New Energy Technology Co.,Ltd” компанияси томонидан Фарғона вилоятида амалга ошириш кўзда тутилаётган қуёш панеллари ишлаб чиқариш ҳамда қурилиш учун зарур хомашё бўлган сифатли метал профиллар ишлаб чиқариш лойиҳалари муҳокама қилинди.

Хитойлик меҳмон, вилоят раҳбарига Фарғонада амалга оширишни режалаштираётган маиший истеъмолчилар, саноат корхоналари ҳамда энергия станциялари учун мўлжалланган қуёш панеллари ишлаб чиқариш ҳамда қурилиш объектлари учун енгил конструкцияли метал профиллар ишлаб чиқариш бўйича лойиҳаларни тақдим қилди.

Ҳар икки лойиҳани қўллаб-қувватланишини билдирган вилоят ҳокими, уларни амалга ошириш бўйича мутасаддилар томонидан ҳамкорликда иш ташкил этилишини маълум қилди.

Шунингдек, хитойлик инвесторга Фарғона шаҳридаги Экошаҳар массиви ҳудудида ташкил этилаётган кичик саноат зонасида янги лойиҳаларни амалга ошириш учун мавжуд қулайликлар ва шароитлар ҳақида маълумот берилди.

Учрашувда муҳокама қилинган лойиҳаларни амалга ошириш жараёнининг навбатдаги босқичлари белгилаб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-05-04 23:36:37